

grandissima fede a questo Stado et serve con ogni diligentia; et altre parole *ut in litteris*.

Di proveditori zenerali, nulla da conto. Et sier Polo Capello suplica li sia dato licentia di repatriar, compito habi di far le mostre, per esser mexi . . . ch'è fuora di casa sua a servizii nostri stato.

Di Schyo, di sier Faustin Barbo e sier Zuan Antonio Venier syndici, di . . . Come, giusta le letere di la Signoria nostra, con i cai partiti da Vicenza, sono venuti lì, dove li vene contra più di 600 persone eridando "*Marco, Marco,*" e cussi le done, con gran demonstration di bona servitù. Et hanno fato le inquisition chi è stati quelli hanno sachizato la caxa di quel suo ambador era qui, e non hanno trovato niun capo, ma *solum* popolari, etc. E questa letera è drizata al Consejo di X: et il Pregadi deteno stridor, cargando essi synici non aversi qui ben portato.

Fu posto, per li savi, dar licenza a sier Polo Capello el cavalier proveditor zeneral in campo, che essendo stato tanto tempo fuora a servitii nostri, et instando summanente, el possi venir a repatriar et resti li sier Domenego Contarini proveditor zeneral, *ut in parte*. Contradise sier Vetor Morexini è sora le pompe, dicendo non è tempo adesso, e se indusi, sier Domenego Contarini è andà nuovamente, non ha la pratica ancora, etc. Andò la parte, 75 di no, 78 de sì, et fu presa di do balote.

Fu fato poi seurtinio con boletini di do proveditori executori, con pena. Rimaseno sier Hironimo Contarini fo proveditor in armada, et sier Piero Querini fo Cao del Consejo di X, qu. sier Antonio, i quali erano cugnati, ebene do Trune, fiole fo del Serenissimo, ma è morte. El seurtinio sarà qui soto posto. Poi fo fato 7 a l' officio di X savi a tansar, 4 ordinari in loco di alcuni che mancavano et 3 di respecto, et tolti numero . . . rimaseno sier Zuan Venier è di Pregadi qu. sier Francesco, sier Piero Contarini fo proveditor al sal, qu. sier Zuane, sier Francesco Barbarigo fo di Pregadi, qu. sier Zuane, sier Alvise Barbaro è proveditor a le biave, qu. sier Zacaria procurator cavalier: di respeto, sier Alvise di Prioli fo savio a terra ferma qu. sier Piero procurator, sier Andrea Loredan fo Cao dil Consejo di X qu. sier Nicolò e sier Nicolò Coppo fo di Pregadi qu. sier Giacomo. Et nota, sier Andrea Loredan rimase, che poi è seguito il suo cazer, più non è rimasto si non hora. Et questi anderano in Pregadi fino Octobrio, non metando balota.

Electi do provedadori executori

Sier Sebastian Moro è di Pregadi, qu.	
sier Damiano	61. 92
Sier Andrea Loredan, fo cao dil Consejo di X, qu. sier Nicolò	74. 77
Sier Alvixe Zorzi, fo di la zonta, qu. sier Antonio el cavalier	34.115
Sier Piero Zen, fo consolo a Damasco, qu. sier Catarin el cavalier	35.116
Sier Piero Barbo è di Pregadi, qu. sier Nicolò	52.105
Sier Polo Valaresso, fo di la zonta, qu. sier Cabriel	36.116
Sier Anzolo Trivixan, fo capitano a Padua, qu. sier Polo	66. 84
Sier Lunardo Emo, fo proveditor in brexana, qu. sier Zuan el cavalier	30.123
Sier Piero Marzelo, fo capitano a Bergamo, qu. sier Filippo	39.115
Sier Piero Lion, fo consier, qu. sier Mafio	48.106
Sier Andrea di Prioli, fo patron a l' arsenal, qu. sier Marcho	28.122
Sier Andrea Foscolo, fo bailo a Constantinopoli, qu. sier Hironimo	38.115
Sier Francesco Capelo el cavalier, fo provedador zeneral in la Patria	57. 95
Sier Alvise Zorzi, è di Pregadi, qu. sier Francesco	73. 73
Sier Piero Bernardo, è di Pregadi, qu. sier Hironimo	6.143
Sier Zulian Gradenigo, fo capitano a Ravenna, qu. sier Polo	71. 78
Sier Francesco Barbarigo, fo di la zonta, qu. sier Zuane, qu. sier Francesco, procurator	53. 99
Sier Piero Moro, fo di Pregadi, qu. sier Gabriel	61. 61
Sier Polo Nani, è di la Zonta qu. sier Jacomo	43.111
Sier Alvise Dolfin, fo proveditor zeneral in la Patria, qu. sier Dolfin	57. 93
† Sier Piero Querini, fo Cao dil Consejo di X, qu. sier Antonio	87. 63
Sier Marin da Molin, fo consolo in Alexandria, qu. sier Jacomo	38.115
Sier Alvixe Marzelo, è di Pregadi, qu. sier Jacomo	58. 94
Sier Daniel Vendramin, fo di Pregadi, qu. sier Nicolò, qu. Serenissimo	40.109